

新修閩鄉縣志

新修閩鄉縣志卷十七

列女

按舊志列女共六百七十三人未分門類而時代先後頗錯亂民國七年修節孝祠並採道光年間縣令李公節孝總坊暨新登者共七百五人維時女校林立或謂國體變更女界主於開放似不復以節義爲重顧竊以爲不然現雖偏設女校以擴充知識增長才力則可若夫陰陽健順之性其秉於天者自不可易也豈可蕩檢踰閑而謂男女平等無別哉家庭之秩序社會之風俗正本植基端在於是其可忽諸茲依三原縣志例分爲節孝義烈貞潔賢淑令壽各門凡舊志所有者概不敢刪而各門之中均以年代爲序新採訪者亦各以類附於其後庶閑閨女士有所觀感焉

婦女最重節孝而節孝之中首列已旌表者

明賈志清妻楊氏萬歷九年夫故氏一十九歲守節五十三年事舅姑撫遺腹備極

辛楚賢名著聞

嚴三明妻高氏教諭高第女夫故紡織事姑下撫遺腹守節四十六年

貢生蔣致遠妻張氏生員蔣汝柏母也氏厲貞操柏克孝事以上三人俱建坊旌表  
廩生王應春妻黑氏善事翁姑夫故遺子貧國甫三歲教養成立如冰之操凡五十年  
熹宗時詔旌其門

楊世強妻屈氏夫早亡族黨憐其幼欲嫁之氏不從強之氏毀容飾攻苦啖澹四十餘年事聞詔旌其門

楊在郊妻閻氏年二十四夫故遺孤學曾甫襁褓氏自緝家人覺揀方甦紡織撫孤冰操沒齒奉旨建坊旌表

張應鳳妻黃氏生員黃挺女夫故遺子治道甫三日撫育成名入庠食廩奉旨旌表  
褒辭有云如石之堅似冰斯潔

清庠生賈冲斗妻何氏年十九夫故子大用才歲餘孀姑垂暮氏紡績奉姑訓子入

庠苦守終其身

儒童薛瑒妻王氏年十八歸瑒夫故氏封髮自誓撫姪名士爲子身紡績使從師後遊庠守節五十四年以上二人俱建坊旌表舊志不詳其年

馬超凡妻蔣氏年十八夫故子一歲氏日夜慟哭不欲生舅姑勸勉氏指天自誓守節三十九年

庠生成洪妻余氏舉人克明女夫歿氏奉翁姑問視必謹寒暑不懈守節四十年以上二人俱雍正二年題旌

成溶妻申氏生員周翰女淑慎克執婦道夫歿子僅二齡氏堅志不移守節三十一年雍正八年題旌鄉人與嫂余氏同建坊曰妯娌雙貞在東太渡村今廢

生員杜卓妻楊氏夫死苦節自守終其身

馬震妻張氏夫死守節訓子入庠

王順天妻楊氏知禮安貧夫歿矢志守節撫四子成立

馬曰校妻蔣氏夫歿時夫弟五齡子三齡氏年二十一矢志不二教育有方既皆遊庠子入成均守節四十四年

蔣 耕妻張氏夫歿子甫一歲矢志靡忒守節三十七年以上六人舊志俱云題旌未詳其年

黃一德妻劉氏年二十六夫故子甲甫三歲氏封髮自誓教子讀書遊庠守節三十六年

儒童王文章妻嚴氏候選縣丞省躬女監生翀之母也年十六歸王閱七歲夫故翀方在襁褓氏事姑以孝撫弱以慈守節二十八年乾隆六年題旌

監生屈紹祖妻杜氏監生杜棠之女年二十六而寡善事舅姑克盡婦道遺子松齡三歲撫育成名松齡復故孫未彌月氏以堅貞率其媳孔氏守之苦節三十年乾隆十八年旌表建坊

儒童張三捷妻續氏夫故守節乾隆五十三年旌表建坊

續穎發妻申氏年十九夫故守節三十五年嘉慶五年請旌誥贈太孀人

儒童申千江妻續氏于歸一年夫故子未週守節撫子成立孝事翁姑嘉慶十年縣主胡爲之請旌更表曰高節冠鄉

姚學純妻王氏嘉慶十一年旌表立坊

張三知妻苟氏年二十四夫故紡織撫孤苦節三十五年

處士劉正和妻劉氏年二十七夫故子女俱幼教子入國學守節二十二年

張潤妻章氏年二十八夫故矢志守節事姑教子以上三人皆嘉慶間旌表

王萬鑑妻尹氏年二十一夫故子思明甫二齡撫子成立守節五十六年舊志云題旌不詳其年

姚二新妻薛氏道光六年旌表建坊

孫丙寅妻薛氏道光九年蒙旌

王若愚妻孟氏年二十四夫故無子矢志守節孝事翁姑道光十三年蒙旌建坊

王學有妻姚氏夫故守節四十五年撫孤成立值歲飢捐麥穀賑濟

王建業妻燕氏與王姚氏俱道光十四年蒙旌

黑良德妻王氏夫故年二十守節六十四年道光二十一年旌表

黑若玉妻馬氏夫故守節五十年道光二十三年旌表

王天德妾李氏年二十八夫故守節道光二十五年題旌

儒童王可法妻屈氏生員自修女年二十二夫故孝事翁姑訓二子長建極入國學

次建中入庠守節六十六年

嚴自東妻盧氏年二十五夫故善事舅姑訓子讀書後習醫名世守節三十年

樊從善妻李氏年二十二夫故子甫逾月辛苦備嘗矢志守節三十八年

姚文慶妻湯氏矢志守節

申桂茂妻車氏年二十四夫故守節撫子翰墨年甫一歲

張興妻黃氏年二十七夫故撫子成立

楊鍾靈妻何氏年十八夫故善事翁姑

郭紀常妻湯氏

姚學林妻黑氏

車大立妻郭氏年二十六夫故守節四十二年以上十人俱道光年間旌表

監生劉崇本妻屈氏年二十七夫故姑老子幼事姑未嘗少懈撫子成立守節五十年

王馭鄰妻何氏年二十四夫故撫孤成立守節四十餘年

嚴性貴妻卯氏監生登甲母年二十九夫故子甫二歲內外無依守節六十八年

杜源妻高氏年二十夫故無子撫姪爲嗣守節三十二年以上四人舊志俱云題旌未詳其年

郝世琮妻李氏年二十五夫故子僅二歲撫育成立守節二十九年咸豐三年旌表

張恩祿妻鮑氏年二十九夫故守節卒於咸豐十一年



秦元春妻李氏武生效篤母矢志守節

盧可造妻陳氏年十五夫故矢志守節五十九年以上三人俱咸豐間旌表

員元善妻杜氏年二十七夫故子女俱無守節三十八年同治元年旌表

員喬嶽妻湯氏年二十九夫故撫子成立守節四十五年同治四年旌表

張玉聲妻郭氏年二十五夫故撫孤成立苦節四十八年同治五年旌表

郭秉正妻蘇氏同治九年旌表

文童李暉圃妻朱氏年二十二夫故守節無子撫姪爲嗣孝事翁姑年七十一

牛若芝妻毛氏年二十七夫故子幼撫養成立辛苦備嘗年七十五以上二人俱同

治十年旌表

李光前母朱氏年二十六夫故守節無子撫姪爲嗣事姑盡孝年六十餘同治十一年旌表

丁習孝妻杜氏年二十八夫故家貧孝事孀姑撫孤守節四十餘年

楊道法妻秦氏年二十五夫故無子撫姪爲嗣守節五十八年

黑金榜妻郭氏年二十八夫故無子撫姪鳳舉爲嗣守節四十餘年

張文和妻李氏年二十八夫故家貧子幼孝姑撫孤守節五十餘年

嚴士英妻席氏年二十八夫故守節四十餘年

陳恆泰妻師氏年二十四夫故孝事舅姑守節五十餘年

郭殿元妻鄭氏年二十七夫故守節三十餘年

郭玉孝妻劉氏年三十夫故孝事舅姑撫姪爲嗣守節四十餘年

吳永福妻馬氏年二十夫故家貧守節四十餘年

楊炳彥妻杜氏年二十九夫故孝事舅姑守節四十餘年

湯道積妻楊氏年三十夫故孝親撫孤守節三十八年

庠生周嘉亨妻孫氏年二十二夫故撫孤守節三十三年

郭尊周妻薛氏年二十四夫故孝事舅姑守節三十三年

劉福臻妻郭氏年二十九夫故守節五十六年以上十四名俱於同治十二年旌  
從九品王國太妻薛氏年二十九夫故守節四十六年

薛儀鳳妻任氏年二十四夫故守節子崇華以上二人俱同治十三年旌表

祝定豐妻張氏年二十七夫故守節孝事翁姑撫子成立子先亡又撫孫經營家計  
辛苦備嘗

王登堂妻李氏年二十四夫故矢志守節三十年

生員王文海妻楊氏年二十五夫故矢志守節

杜清立妻秦氏年二十五夫故矢志守節四十二年

王自密妻張氏年二十八夫故守節五十九年

馬建寅妻孫氏年二十七夫故撫子成立守節三十一年

趙正清妻李氏

王欽洛妻楊氏年三十二夫故撫遺腹子成立生平淑慎寡言舉止安詳守節二十

九年以上八人俱同治間旌表

張 縉妻劉氏事姑盡禮敬夫如賓夫以壯年捐館時子霖三尙幼撫孤守節夫兄無後氏撫堂姪爲之嗣視猶己出家貲與子平分無吝色治家克勤猶親紡織霖三援例敘縣丞銜恭遇覃恩蒙旌表建坊孫應熬任陳留訓導地贈孺人卒年七十有

一

賀名揚妻馬氏年二十二夫故撫子成立孝敬孀姑無間言守節三十九年

任居廣妻王氏年二十九夫故守節三十餘年

任居安妻賀氏年三十夫故守節

員相棠妻朱氏年二十二夫故子女俱無矢志守節事姑盡孝守節四十一年以上五人舊志俱云旌表不詳其年

李氏文底里處士位離公季女也生而貞靜公最鍾愛甫能步卽不喜隨公適他人所貧常乏食公或買餅餌食之必進其母母未食不食也見公困人債不能償卽出

囊中數十錢與之其人憐而去兄近三旬始昏任氏未能爛婦道母姊及兄皆疾之氏時稍長左右調護並偕之習女工久之母兄喜任亦卒能事其姑年十九歸水車頭村黑伯承公喜賓客姑以貧恐不備具氏竭力奉辦不以勞姑心及伯承公棄世子二長照葬七齡次恪守襁褓人咸危之氏毅然守義自誓自是鍵戶謝人事諸姊憐其苦邀之不往讓之亦不辨母兄時來視亦屢爲歎歔然卒莫能奪其志事姑愈孝雖悲苦萬狀對姑輒形喜色姑以是怡然就養家窘孫幼若忘也姑病氏憂之偶過膝渠忽一魚躍出尺許取以歸烹進姑疾頓愈鄰里以爲孝感所致與姑同眠起二十餘年如一姑日七十九以天年終哀毀幾絕教子有方雖甚愛不假以辭色八歲使就外傳非招命不許歸少有過失默坐不食請改乃已照葬入邑庠恪守以孝謹聞皆氏教也其平居治家勤謹嚴肅外婦不與接往來者僅一二近鄰老嫗耳或邀善相者相氏將卜後嗣興衰氏嚴拒之曰是有命嗚呼如氏者可謂守正而不窮者矣前歲乙亥邑人士以氏節孝上聞得奉旨勅旌云

王步霄曰母之節苦矣然未有不苦而能成其節者也苦而節豈不以志哉如照藜者又豈可不體冊教使如母守節之志以爲學則可以報母矣

孫化遠妻秦氏與黑李氏俱光緒元年蒙旌

王家廉妻趙氏守節五十餘年

郭明賢妻王氏年二十八夫故守節四十三年

周捷元妻王氏年二十二夫故無子矢志守節四十二年以上三人俱光緒二年題旌

生員員灝妻楊氏年二十五夫故無子守節三十九年

員不勳妻王氏年十九夫故子市兩月撫孤成立守節四十二年

王明章妻宜氏年二十六夫故氏撫孤守節五十年

強得功妻王氏年二十五夫故無子撫姪爲嗣守節三十八年

陳凌玉妻劉氏年二十八夫故氏撫孤孝事舅姑守節三十餘年

監生鄭名煥妻張氏年二十七夫故氏撫孤孝事孀姑守節三十餘年

章日俞妻翟氏年二十七夫故家貧氏孝姑撫孤守節四十餘年

申彥魁妻王氏年二十九夫故家貧氏孝事舅姑撫孤守節五十餘年

耿長庚妻潘氏年二十三夫殉粵匪之難子幼孝事舅姑撫孤一十九年

王建中妻張氏年二十八夫故孝事舅姑撫孤守節二十七年

監生張吉祥妻 氏年二十五夫故氏無出妾 氏先沒遺一子未週歲氏撫孤守

節三十四年

張培芹妻任氏年二十七夫故孝事舅姑撫孤守節三十三年

姚金玉妻秦氏年二十五夫故孝事舅姑守節四十年

張有紀妻呂氏年二十八夫故孝姑撫孤守節四十二年以上十四名俱於光緒十年旌

王炳坤妻周氏習孝經四書通文詞奉姑盡道相夫無違年二十九夫故子三歲育

成撫養持家勤儉守節三十二年光緒十一年旌表

孫廣才妻張氏年二十七夫故子二撫孤守節二十七年光緒十二年旌表

郭正佐妻許氏年二十六夫故家貧孝事舅姑撫孤守節六十餘年

孫魁元妻姚氏年二十八夫故撫孤守節三十餘年

陳奉先妻申氏年二十七夫故孝事舅姑撫孤四十餘年

宋可存妻孫氏年二十六夫故撫孤守節三十餘年

薛天學妻孫氏年二十七夫故孝事舅姑撫孤守節一十九年

黃俊秀妻韓氏年二十九夫故家貧撫孤守節二十一年

郭觀宗妻湯氏年二十七夫故撫前室子有恩守節二十六年以上七名俱於光緒十四年旌

鄭萬德妻湯氏增生卓立女年二十二夫故事雙親以壽終撫前子續僑食饋守節二十七年



孫克明妻張氏年二十八夫故守節三十四年

宋根義妻孫氏年二十六夫故守節三十九年以上三名俱光緒十五年請旌

郭遇貴妻孫氏年二十八夫故守節三十八年

陳蔚文妻鮑氏年二十七夫故守節撫子年七十二

陳奉先妻申氏年二十九夫故守節撫子成立年七十五

杜長洲妻劉氏歲貢劉震熬季女年十九夫故守節子女俱無孝敬舅姑和睦妯娌  
年五十九

從九品鄭春發妾任氏年二十一夫故守節撫姪爲嗣年五十九以上五名俱光緒  
十六年旌表

閻升蘭妻張氏年二十九夫故事翁訓二子守節十七年

閻孟蘭妻夏氏年二十一夫故專事紡績孝姑訓子守節十六年以上二名俱光緒  
十七年旌表

祝蘊秀妻王氏年二十二夫被粵匪擄去無踪生一子方數日氏撫孤孝姑守節一十七年

楊鳴鳳妻陳氏年二十九夫故姑罄子幼氏事姑撫孤守節三十二年

王振邦妻武氏年二十九夫故撫孤守節四十年

姚美經妻蕭氏年二十一夫故無子氏撫姪蘭薰爲嗣守節五十餘年

祝鵬飛妻牛氏年二十八夫故遺一子欄氏事孀姑撫孤守節五十餘年

羅清光妻許氏年二十九夫故孝事舅姑撫孤守節四十餘年

王裕智妻李氏年二十一夫故姑孀子幼氏孝事撫養守節三十餘年

鄭炳正妻劉氏年二十九夫故撫孤守節四十餘年以上八名俱於光緒十八年請旌

王思儉妻董氏

王尙清妻蔣氏年二十二夫故苦志撫孤守節三十四年

附生郭國楨繼室許氏年二十五子甫八歲氏治家有法教子有方遇奇荒諭子散糴救貧守節六十三年

儒童李 賢妻王氏夫故守節孝養翁姑撫育幼子長孫翰儒廩生次孫勉儒附生俱及見成立守節四十餘年特爲建坊

郭萃英妻周氏年二十八夫故撫子例貢景山成立守節二十八年

監生王中立妻吳氏年二十三夫故守節五十年

左建學妻王氏年二十一夫故無子撫姪孫苦節四十八年

劉肅之妻馬氏矢志守節

陸雨之妻姚氏年十九夫故守節四十五年請旌入節孝祠邑侯表曰陶嬰復見

陸懷瑛妻卯氏年二十夫故無子撫姪成人守節四十二年旌表入節孝祠邑令表曰安於守義

朱惟勤妻盧氏監生吉禮女年二十五夫故無子撫姪爲嗣守節二十六年

朱 泗妻馮氏監生紹四女年二十五夫故無子撫姪爲嗣守節五十九年特爲建坊

姜有成妻郭氏特爲建坊

呂居榮母張氏年二十五夫故守節四十年

郭學書妻賴氏夫故守節四十年

湯志賢妻王氏年二十三夫故守節六十年

儒童郭清玉妻王氏年二十二夫故守節四十年

員輝祖妻孫氏

楊 坦繼妻李氏年二十八夫故教養二子成立恭遇覃恩請旌守節四十七年

趙士林妻劉氏年二十七夫故守節六十九

仲懷璧妻左氏年二十五夫故守節六十一

趙桂林妻周氏年二十七夫故守節六十五

王廷友妻呂氏年二十八夫故守節年七十四

王中天妻何氏年二十四夫故守節年五十三

湯道榮妻姚氏年二十六夫故守節年六十八以上二十五人舊志俱云旌表而不詳其年

其蒙官長旌表者

明廩生張啟胤妻申氏夫故子廷麟甫十歲氏孝事孀姑撫孤成立入庠食餼蒙學道旌獎

吳仲玉妻王氏夫故義不改志事姑惟謹有司旌之

安邦勳妻田氏夫早亡氏少無子撫猶子成立爲邑庠生守節垂老有司旌之

清儒童張汝翼妻張氏年二十二夫故遺子侗歲餘封髮自誓敬養翁姑撫子入庠守節三十四年縣令程署曰霜節松操

儒童王居敬妻張氏生員王善養之母年二十八夫故撫子入庠年七十歲縣令王

表曰冰霜勁節

儒童張九經妻任氏年二十四夫故家貧紡績自食事舅姑喪葬成禮撫嗣子成立  
縣令王表曰節孝兩全

儒童李修史妻張氏生員李經濟之母年二十夫死守節年六十一歲學憲表曰成  
孤全節縣令祖表曰歐母遺風

李 灑妻湯氏年二十二歲夫故孝事老翁終養無缺撫幼子成立壽六十守節三  
十八年乾隆二年縣令表其閭曰貞節孝慈

儒童王承基妻暢氏生員王都之母年二十而孀孝事舅姑教子遊庠乾隆八年學  
憲表其門曰清閨高行

劉 洵妻周氏年二十五夫故事舅姑盡婦道侍湯藥必親嘗夫故時子甫數月氏  
撫育之每勤紡績使讀書後遊庠食餼乾隆十年學憲表其閭曰嚴霜葆翠守節四  
十四年

生員李 洋妻周氏年二十三洋故洋父亦故氏事姑不辭艱苦撫育二子勤耕讀苦節四十餘年邑令表其閭

王九祿妻強氏年二十八歲夫故事翁姑以孝聞撫嗣子甚慈縣令著曰冰心映雪吳應才妻許氏年十九夫故撫二子成立守節四十年知縣祖表曰皓首完名

祝錫印母王氏年十九歲夫故子甫週撫養成立年六十歲知縣梁給匾表其閭曰操並松筠

徐諫廷妻孫氏年二十夫死子秉禮幼苦志守節四十一年秉禮娶趙氏年十八秉禮復死子一歲趙守節撫孤亦經二十四年一門雙節知縣梁表其閭

趙宏道妻梁氏年二十一夫故守節撫孤年六十知縣梁表其閭

儒童何珣妻郭氏適何數月夫故無子取夫弟琰長子爲嗣尋亡又取琰次子爲嗣氏撫嗣子並屣三子皆成立守節五十餘年里人難之知縣梁表其閭

趙鐸妻張氏年二十六夫故敬事翁姑撫子成立守節三十餘年前令王表其閭

張 鈺妻何氏監生張鶴齋母年二十六而寡事翁姑以孝聞撫育胞姪無異己出守節五十餘年邑令祖旌曰白首完貞

張榮安妻孫氏庠生張入庠母年二十五夫故矢志不更事姑克孝守節四十餘年邑令杜表其閭

儒童尹 忠妻王氏年二十八夫故無子息矢志守節四十餘年邑令表曰瑤池冰雪

趙宏雲妻張氏年二十九夫故撫孤子理遊庠苦節五十餘年學憲林表曰松勁霜清

羅養秦妻焦氏年二十五夫故守節四十三年邑令表曰苦節撫孤  
呼肇績妻申氏年二十六夫故無子苦節四十餘年邑令杜表之

郭景平妻嚴氏年二十八夫故紡績以養翁姑訓二子從周育周成立守節四十一年邑令王表其閭



閻 儒妻田氏年二十八夫故撫猶子成立縣令程獎曰筠節松操

張雄猷妻湯氏年二十五夫故遺子七歲次子二歲撫孤守節壽八十縣令王表曰  
寒松勁節

臧 鉅妻姚氏年二十六夫故遺二子並幼氏矢志撫孤守節四十二年邑令王署  
曰苦志守貞

庠生嵇明遠妻申氏年三十夫故守節五十一年子某孫生鶴皆庠生方令表曰柏  
節難移侯令表曰節高松柏

王 贊妻趙氏年二十三夫故一子三歲內外無依氏苦節撫孤五十年縣令王表  
其門曰守節全宗

李 穎妻張氏年二十六夫故子幼苦節五十餘年縣令耿表其閭

生員閻 正妻張氏年二十一夫故子新民幼氏苦志自矢事翁姑撫弱息備極艱  
辛守節五十年縣令王表其閭曰冰霜凜節

高必興妻王氏年二十夫故無子姪和嗣守節五十餘年縣令王表其閭

王身文妻楊氏年十九一子幼守節二十九年邑令王署曰守節盡孝

王 尊妻李氏年二十二夫故奉舅姑以禮撫二男成人守節四十一年邑令王表曰節孝可風

曹生榮妻徐氏年二十夫故一子幼苦志自誓教子有方子嘗拾金氏諭還其主縣令某表之守節三十餘年

按蒙官長旌獎者三十七人皆在清乾隆以前蓋當其時天下太平故官署每好爲義舉而閨閣自愛者亦知苦節之不終埋沒風氣所宗爭相濯磨盛世之氣象殊可欽慕自川楚教匪蔓延數省粵獫匪匪繼起迄乎末季幾無寧歲生民之塗炭已極不復知孝義節烈爲何事爲有司者疲神於供差征科訟獄猶苦日不暇給風化之陵替固有自來其亦可慨也夫

又按旌表者多出於紳衿之家其寒門隘巷力不足以及此遂無人過而問焉然

芝蘭生於幽谷不以無人而不芳其天性全也茲於舊志所載未旌表者備錄之使聞閭苦節不因境遇之境遇通爲得喪庶逝者無遺憾而生者宜自勵云

其未旌表者

明張罔然妻申氏于歸三年夫故子方二歲不數載翁亦故氏孝事孀姑撫訓遺孤入庠食餼有柏舟熊丸之風

清鄉飲賓申壇妻張氏夫死時氏尙少子承宗甫五歲氏衣縞素食擇師訓子宗入庠氏已老鄉里將以貞節上聞氏辭曰此婦人本分事力止之

胥生金揚產妻曲氏年十九歲夫故遺子毓庚三歲勤苦勵節訓子入庠

申承甫妻李氏善事翁姑夫爲賊傷家貧子幼紡績撫孤終身如一日

儒童張 雲妻劉氏武進士溥之女年二十夫故孝事翁姑喪葬盡禮訓子成名年五十三歲

儒童周 瑄妻張氏年二十七夫故無子善事舅姑撫姪建烈爲嗣入太學守節四

十餘年

監生杜之遇妻馮氏臨穎訓導繼京女年二十八夫故守節撫姪宗孟爲嗣娶媳張氏二年孟復故孫未彌月張氏年二十姑媳同孀育孫成立馮氏年六十有四張氏年三十有九

儒童杜有詩妻薛氏年二十八夫故敬事舅姑撫二子德威德芬教育有方守節三十六年

儒童屈繩祖妻尙氏年二十二歲夫故二孤甚幼氏矢志堅貞守節三十一年任信妻劉氏年十九歲夫故事姑盡道撫幼子成立守節三十一年

儒童周殿侯妻何氏年二十而寡家貧苦節舅姑沒喪葬成禮無子撫姪爲嗣年六十一

儒童劉人奇妻張氏年二十四夫故終事翁姑撫姪爲子守節三十一年  
儒童王承帝妻張氏年二十二夫故矢志撫孤守節三十六年

儒童王 仔妻張氏年二十七夫故事舅姑撫幼子守節三十一年

儒童金 鏞妻張氏三十歲夫故遺子麟章八歲誓志自守子亡取姪孫爲嗣苦節三十餘年年六十二

張 宏妻王氏生員而猷女年二十五夫故績紡自食撫幼子成立守節三十六年  
趙世傑妻許氏靈邑生員志仁女年二十四夫故守節三十年

張希皇妻趙氏貢生經女歸張二年夫故兩事後姑克盡婦道守節三十餘年

崔金鸞妻王氏年二十三夫故子振乾甚幼氏善事翁姑撫子成立守節三十年

周顯祖妻孔氏年二十五夫故生遺腹子溫苦志撫孤孝事舅姑後溫成名守節四十餘年

李金潘妻閻氏年二十七夫故遺子孔思甫六歲勤苦紡績奉養孀母如其姑守節三十餘年

王通文妻王氏年二十五夫故六月生遺腹子撫育成立名登上庠苦節三十年

王福祿妻王氏年二十一夫故撫子成立苦節三十一年

張環妻孔氏年二十二夫故撫子成立守節三十二年

張體乾妻杜氏年十九歲夫故撫子成立守節四十一年

張居妻張氏年二十五夫故紡績自食撫子成家苦節四十五年

尙士魁妻劉氏年二十夫故家貧紡績自給撫子成立苦節三十五年

呂畏才妻李氏年十七夫故撫幼子成立守節四十八年

李世正妻楊氏年二十八夫故苦志守節四十餘年

黃金鸞妻周氏年二十一夫故守節三十年

何司信妻李氏年十五歸何十七歲夫故撫育孤子守節三十年

王大朋妻丁氏年十九夫故守節三十餘年

李桂祥妻王氏年二十二夫死守節四十餘年

王繼修妻鄭氏年二十五夫故守節三十餘年

王有士妻王氏年二十一夫故立志守節撫孤成立年六十九歲

羅綸妻馬氏年二十八夫故守節三十餘年

生員羅二酉妻杜氏年二十五夫故家貧子幼撫養成立守節三十餘年

儒童周鳳苞妻李氏年十七夫故遺孤月餘撫育成立事舅姑始終盡禮守節三十  
年

王選妻薛氏年十七夫故苦節四十餘年

焦自省妻趙氏年二十四夫故守節三十餘年

王敏德妻張氏年二十九夫故孝事翁姑苦節五十年

生員李楷妻張氏年二十五夫故事翁姑盡禮撫四子成立守節四十九年

儒童郭光昭妻薛氏年二十一夫故事姑孝敬撫孤成立守節三十餘年

劉氏李貴林之母年二十八夫故守節四十一年

周應朝妻李氏監生宗望母年二十八夫故守節三十餘年

馬振鰲妻王氏年二十五夫故守節四十餘年

儒童郭宏毅妻師氏年二十夫故守節四十餘年

師惟熙妻康氏年二十一夫故無子紡績自給守節四十餘年

劉加奇妻葉氏年二十二夫故苦節三十餘年子女成立里黨稱之

儒童王 惟妻尙氏年二十三夫故守節三十餘年

楊爾梅妻石氏年二十五夫死守節三十餘年

王振魁妻趙氏年二十四夫故守節四十七年

王 博妻石氏年十九夫故守節四十餘年

儒童李 中妻尙氏年二十夫故奉姑以孝撫孤成立守節三十餘年

辛必英妻薛氏年二十二夫故日耕夜織以事翁姑撫孤子苦節六十年

廩生申用章妻周氏年二十三夫故撫孤子殆遊庠苦節五十六年

儒童張文職妻陳氏年二十四夫故撫二孤躬兼耕織守節三十餘年



陳元學妻李氏年二十七夫故撫養孤子且耕且紡守節四十餘年

儒童朱言妻李氏年二十五夫故撫姪爲嗣事後姑盡道苦節三十四年

生員張廷瑞妻陳氏年二十五夫故事姑疾盡婦道教幼子有方暮年猶勤織紡孫發祥遊庠守節四十六年

生員朱起鵬妻劉氏庠生十耀女年十八于歸二十九夫故無子取姪爲嗣孝事舅姑喪葬盡禮守節二十五年

李應順妻湯氏年二十二夫故事姑盡道撫子有方苦節三十七年

張衡妻馮氏訓導繼京女年二十八夫故撫嗣子成立守節三十四年

李幹妻李氏年三十夫故撫猶子成立守節三十八年

張睿妻田氏年二十九夫故家貧苦作撫孤成立守節四十一年

田宗壽妻李氏年二十夫故遺子數月氏上事舅姑下撫孤子守節三十餘年

田強妻李氏年二十四夫故撫孤守節三十餘年

田必生妻李氏年二十七夫故撫孤成立守節四十餘年

梁 種妻羅氏年二十夫故遺子一歲撫養成立苦節三十三年

馬必玉妻董氏年二十五夫故遺子七歲撫孤成立守節三十五年

湯清顯妻張氏年二十四夫故遺子六歲撫孤成立守節三十五年

張續基妻湯氏年二十六夫故侍姑疾惟謹撫育幼子貧苦而矢志彌堅守節三十三年

三年

董 玠妻陳氏年二十二夫故無子撫從姪爲嗣守節四十三年

薛 印母王氏年二十九夫故撫子成立守節五十餘年

王大慶妻申氏年二十四夫故撫子成人守節四十餘年

劉純一妻周氏年二十四夫故訓子成人守節三十五年

郭 珣妻劉氏年二十四夫故氏紡績自給撫子成人守節三十三年

樊國貞妻王氏年二十九夫故守節五十五年子信芳妻王氏年二十三歲芳故撫

子潤成立守節三十六年

生員張 溫妻王氏太學生械森母年十八夫故守節四十一年

李汝謙妻祝氏年二十三夫故孝養翁姑撫育嗣子守節三十五年

郭茂喜妻馬氏年二十五夫故守節三十二年紡績自食撫孤子藩十三歲娶賈氏  
越十五年藩又死賈氏矢志不二上事孀姑以媳代子守節三十九年

李汝翼妻黃氏年二十四夫故家貧遺子樹坤未週氏孝事後姑撫子成立守節四  
十四年

姚有啟妻李氏年二十六夫故遺子未週氏孝事翁姑撫育孤子矢志堅貞守節四  
十三年

姚元林妻趙氏年二十一夫故子高年始一歲氏守節撫孤三十餘年

孫衍慶妻靳氏年二十四夫故一子發祖甫四月氏苦志自誓孝事舅姑教子入庠  
守節四十五年

生員杜 漸妻張氏年二十六夫故無子以姪盛林爲嗣甫一歲教育之克繼書香  
守節四十一年

許文炳妻賀氏年二十夫故以姪廷臣爲嗣撫養成立守節四十二年

楊國璽妻劉氏年十七夫故子僅數月氏奉養翁姑撫遺息備嘗辛苦守節四十餘  
年

儒童張元勳妻白氏年二十二夫故守節三十一年

張 乾妻吳氏年二十二夫故無子翁姑老氏撫嗣子朝宗養生送死皆盡其力守  
節三十年

王二佐妻陳氏年三十夫故子身昌身成並幼氏苦節三十八年

嵇平運妻薛氏年二十七夫故守節四十一年

生員姚復觀妻王氏于歸四年夫故一子任甫三歲氏封髮自誓事翁姑教子入庠  
苦節六十餘年

張雲廷妻張氏年二十夫故子書一歲舅姑皆老氏仰事俯畜苦節四十年

韓宋文妻張氏年十七歸韓年二十六夫故茹荼守節四十餘年

樊 琰妻張氏年二十八夫故子金章二歲苦節四十餘年

王 順妻張氏年十八夫故子元士未週氏苦志自誓上事舅姑下畜孤子守節三十五年

趙士德妻羅氏年二十夫故翁老子幼苦節六十三年

趙三耀妻蘇氏年二十五夫故子展業喜業並幼家貧氏紡績撫孤至於成立守節三十九年

曹生蓮妻郭氏年二十一夫故子殤姪某嗣守節三十餘年

陰承寵妻李氏年二十四夫故一子未週矢志守節五十餘年

陰 銘妻任氏年十九夫故無子撫某爲嗣守節四十餘年

姚自卓妻楊氏年十八夫故子天生甫二歲氏奉舅姑以禮撫天生成立生孫進忠

未彌月天生卒媳年十八矢志一如其姑兩世苦節時論重之

張依勛妻趙氏年二十夫故事翁姑撫弱息備嘗辛苦守節四十餘年

尙 忠妻趙氏年十九夫故子未週氏仰事俯育堅貞不移守節四十餘年

姚自正妻趙氏年十九夫故遺腹生男姑已老氏事之盡禮守節三十餘年

樊守仁妻楊氏年二十八夫故子從貴幼氏矢志守節三十餘年

強篤純妻刑氏年二十五夫故子星幼家貧氏苦志守節三十九年

王者任妻謝氏年十八夫故撫遺腹子奉祖姑及姑喪葬成禮守節二十六年

謝帝存妻羅氏年二十七夫故氏孝事舅姑苦志守節二十五年

李承宗妻羅氏年二十二夫故姑老子幼氏自誓守節二十五年

內閣供事薛呈鶴母鄭氏年二十五夫故二子並幼氏苦志自誓仰事俯畜守節二十九  
十九年

楊 楷妻張氏年十四歸楊生子積易未週夫故氏年十六守節一十九年

生員郝焮妻申氏考授縣丞華嚴之女年二十九夫故無子撫姪爲嗣守節二十餘年

生員車同軌妻李氏年二十四夫故遺子有輓三歲矢志不改教子遊庠守節三十餘年

鄭謙妻郭氏年二十三夫故遺子甫一歲矢志守節三十餘年

杜球琳妻蔣氏年二十七夫故家貧紡績自給撫育幼子苦節二十四年

監生王致中妻張氏年二十四夫故守節二十五年

張增福妻張氏年二十七夫故守節二十八年

儒童杜起妻段氏庠生世道女年二十八夫故子甫七月氏紡績自給撫育成立事翁姑盡婦道翁姑俱病侍湯藥夜不成寢四十餘日守節二十餘年

儒童陳疇妻趙氏生員玠女年二十三夫故遺子尙幼氏紡績撫育守節二十五年

田樂天妻羅氏年二十三夫故產遺腹子又亡一歲兄弟妯娌並相繼亡氏隻立守節取堂姪九經爲嗣守節四十二年

趙 珏母潘氏年二十八夫故紡績自給育子成人守節一十六年

薛 奇妻劉氏年二十六夫故撫姪爲嗣苦節二十八年

儒童杜文光妻張氏年二十七夫故撫姪爲嗣守節四十二年

蘇 印母年二十九夫故撫子成人守節五十餘年

勾進斗妻徐氏年二十五夫故遺三子俱幼奉親育子守節四十一年

陰作震妻高氏年二十五夫故矢志撫孤守節五十三年其孫生庚妻曹氏年二十一亦寡遺子甫一歲撫養成立苦節二十一年一門雙節閭里重之

王 綱妻李氏年二十四夫故守節二十餘年

王純智妻張氏年二十四夫故遺子甫一歲氏孝事翁姑撫子成立守節四十二年

張 厚妻楊氏年二十三夫故守節三十二年



杜錫祿妻王氏年二十三夫故無子撫姪成人矢志守節六十餘年

劉燦妻何氏年十八夫故撫姪成立守節六十年

員福有妻劉氏年二十七夫故子二苦節撫孤守節三十四年

任樹森妻李氏年二十二夫故無子守節撫姪爲嗣

張長江妻范氏年二十六夫故無子矢志守節四十七年

李天佑妻馮氏年二十六夫故守節三十一年教子入泮

張維幾妻范氏年二十六夫故氏無出矢志守節連撫數姪辛苦備嘗

王金旺妻張氏年二十五夫故無子撫姪成立守節三十二年

李萬德妻張氏年二十八夫故子幼家道寒微守節撫孤至今宗嗣昌盛

范廷蘭妻趙氏年二十七夫故守節事姑賢孝子幼教養成人咸豐四年立碑誌之

增生張問明妻許氏年二十五夫故守節三十二年

蔣根生妻張氏年二十夫故撫孤守節二十九年

尹萬隆妻韋氏年二十四夫故子一守節三十六年

申 江妻李氏年二十二夫故子甫三歲孝事翁姑撫孤守節四十三年

尙懷義妻羅氏年二十九夫故善事翁姑下和妯娌撫子成立守節十六年

趙長治妻姚氏年二十五夫故矢志守節奉親育子守節二十六年

儒童杜 林妻任氏年二十八夫故無子撫姪爲嗣孝事翁姑守節十七年

李長陞妻王氏同治元年髮匪至夫已故氏年十七蓬頭垢面晒地窖中得免事姑

送終撫孤成立守節二十八年

王舞龍妻杜氏年二十五夫故矢志守節訓子成人守節五十年

劉增珺妻張氏年二十九夫故無子女撫姪爲嗣日勤績紡守節四十年

劉開光妻王氏生員炳武之女年二十五夫故無子女撫養弟子成人守節十九年

任自武繼室陳氏年二十夫故無出撫前室子之子廷試成人廷試亦先卒苦節四

十七年

周耀南妻王氏年二十七夫故矢志撫孤守節三十二年

王克成妻張氏年二十六夫故守節三十六年

王夢筆妻郭氏年二十七夫故守節三十五年

王富貴妻王氏年二十七夫故無子翁姑年皆七旬事之盡孝守節二十一年

田卿祿妻趙氏年二十九夫故撫子辛苦備嘗守節三十年

杜繩周妻尹氏年二十八夫故撫孤成立守節三十六年

薛蘿芝妻孫氏年二十七夫故事親撫孤守節二十年

趙愈永妻王氏年二十四夫故守節二十五年

處士席純繡之妻嵇氏庠生中興之女年二十九夫故家道寒微撫子讀書矢志守節艱苦百出光緒奇荒病故其子清宇後入邑庠

王國祥妻趙氏年十八夫故孝事翁姑撫姪成立守節五十八年

申中升妻李氏年二十九夫故一子甚幼氏事姑撫弱以績紡糊口後遇奇荒殞命

按閱此令人惻然程子云餓死事極小失節事極大李氏其知此義哉

員植棠妻湯氏年二十八夫故教二子成立守節三十年

周育英妻員氏年二十一夫故子女俱無矢志守節五十五年

李登瀛妻李氏年二十七夫故姑老子僅數月家貧紡績度日守節二十一年

周向足妻蘇氏年二十八夫故氏上事孀姑下撫幼子苦節二十七年

任廷試妻章氏年二十七夫故氏上事祖姑孝養備至守節二十五年

生員員鳴鏗妻王氏年二十八夫故子女俱無矢志守節十五年

員勿剪妻王氏年二十八夫故守節三十二年

吳清福妻王氏同治元年夫被匪擄遺子尙幼氏事姑撫子苦節二十餘年

任知田妻王氏年二十七夫故奉親育子守節五十餘年

趙諒妻王氏年二十四夫故辛苦不辭孝親育弟守節三十一年

呂世泰妻楊氏年二十七夫故家道寒微撫孤成立守節四十五年

監生暢階雲繼配杜氏年二十三夫故守節三十八年

郭長清妻呼氏年二十四夫故守節孤身無靠績紡糊口守節六十四年

王建選妻孫氏年二十八夫故守節三十一年

杜明德妻成氏年三十夫故守節二十六年

張凌漢妻种氏年二十八夫故守節四十一年

劉大海妻郭氏年二十八夫故子女俱無夫弟亦幼母家勸其改嫁氏矢志靡他織

紡度日撫弟成人守節十八年

馬樂春妻任氏同治元年粵匪至夫遇害氏年二十九撫遺腹子成人守節三十年

杜魁昇妻王氏年二十五夫故守節二十七年

楊青春妻李氏年二十九夫故撫幼子淑慎嚴明守節十六年

王建妻孫氏年二十八夫故撫幼子成人守節十八年

李清妻靳氏年二十夫故撫前子及孫辛苦備嘗守節五十八年

張法新妻楊氏年二十一夫故撫孤成立織紡度日守節四十一年

張振河妻宣氏年二十八夫故撫孤成立織紡度日守節二十二年

周俊彥妻諸氏年二十九夫故孝事翁姑撫子成立守節三十九年

張平飛妻侯氏年二十五夫爲粵匪擄去不知所終孤身自守後得癱疾胞姪張志仁奉養以終年五十餘

楊麟楨妻雷氏年十九夫故子僅三月矢志守節事姑撫子辛苦備嘗

李武泰妻侯氏年二十五夫故家貧如洗撫子得信及遺腹子得敏成立守節四十二年

楊春秀妻馬氏年二十七夫故無子孝事翁姑撫姪樹科爲嗣守節二十九年

白嗣香妾劉氏年二十三夫故女一無子撫姪如珍爲嗣守節二十九年

馬三聲妻馮氏年二十三夫殉粵匪之難撫子登榜甫三歲紡績度日艱苦備嘗守節三十一年

儒童張篤志妻呂氏年三十夫故女一無子撫姪爲嗣守節四十八年

申會文妻王氏年二十五夫故無子守節二十四年

申天免妻嚴氏年二十四同治元年夫殉粵匪之難無子守節二十四年

徐天德妻馬氏年二十八夫故守節三十年

毛彥玉妻馬氏年十八夫故守節五十年

呂炳輝妻郭氏年二十九夫故守節三十二年

徐維精妻呂氏年二十夫故守節四十二年

席南宮母吳氏年二十八夫故二子年幼相繼而亡又撫弱孫十數載守節三十五年

周丙合妻祝氏年二十九夫故守節三十二年

續際泰妻呂氏年二十四夫故守節三十二年

例貢生焦鳳律妻左氏年二十八夫故孝敬翁姑撫育二子長桐枝入國學次桐尾

業儒守節四十八年

生員張書紳妻任氏年二十九夫故撫孤艱苦備嘗守節二十二年

孫孝先妻李氏年二十八夫故撫幼子女以紡績度日守節二十四年

廩生張應鶴妻劉氏年二十八夫故守節三十二年

武生馬際魁妻樊氏年二十六夫故無子矢志守節織紡度日伯翁堂弟故無所歸氏皆葬之

王鎖子妻王氏年二十六夫故無子立志守節事姑撫女備歷艱苦

馮昇元妻姜氏年二十八夫故孝事翁姑教子成立守節四十餘年

尹維煥妻王氏年二十九夫故守節撫子宗彥爲娶妻蔣氏亦年二十四夫故守節撫姪爲嗣

趙際甲妻郭氏年十八夫故撫子織紡度日子先卒又撫幼孫備嘗辛苦守節五十七年



朱鴻妻徐氏增廣生渤幼女年二十二夫故撫姪成立守節五十五年

楊紹曾母員氏年十七夫故子方襁褓家貧紡績撫子苦節四十四年

曹思林妻杜氏年十九夫故守節三十九年

陳福元妻王氏年二十夫故守節五十三年

生員張振海妻李氏年二十夫故撫子成立守節五十六年

王執娃妻李氏年十九夫故無子女撫姪爲嗣矢志守節十四年

儒童段和泰妻張氏年二十一夫故孝事翁姑守節三十四年

朱萬善妻王氏年十九夫故撫姪孫保安映藜爲夫後保安監生映藜入庠氏織紡不倦守節五十五年

按爲後二人不可以訓當係從俗同居而已

縣丞湯魁士妻崔氏年二十八夫故撫孤勤勞家計守節四十七年

儒童張應庚妻熊氏夫故撫遺腹子宗翰遊庠守節三十餘年

王廷璧妻周氏年二十九夫故乏嗣守節五十三年

王明武妻員氏年二十二夫故無子守節二十三年

員重輝妻周氏年二十六夫故守節三十二年

呂萬鈞妻續氏年二十八夫故守節三十四年

王可義母李氏年二十五夫故守節四十四年

呼家祥妻蔡氏年二十二夫故撫孤成立守節三十八年

薛公選妻陰氏年二十七夫故子甫三歲家貧親老艱苦支持守節四十二年

楊汝能妻趙氏年二十八歲夫故子一女一撫養成立守節四十餘年

強志道妻張氏年二十八夫故取姪爲嗣撫養成立守節四十年

劉廣育妾王氏年二十夫故撫姪爲嗣孝事舅姑調和妯娌守節六十七年

安文禮妻呂氏年十八夫故守節四十餘年

毛致魁妻馬氏年十九夫故守節四十餘年

張宗義妻張氏年二十七夫故辛苦撫孤成立守節二十七年

王華胥妻王氏年二十六夫故守節撫姪爲嗣

宜遇德妻姚氏年二十三夫故子方六齡撫孤成立守節十七年

光祿寺王 鈺妻張氏年二十九夫故守節教子養浩以優廩生援例敘訓導

祝平底妻雷氏年二十四夫故守節山東水災捐錢賑濟

王道平妻張氏年二十七夫故事姑盡孝教子有方苦節四十一年

屈凌漢妻翟氏年二十餘夫故守節家貧遺子學儒氏襍子依於母家賴以成立

申天秩妻劉氏年二十餘夫故前室子繼賢甫三歲視猶己出爲娶楊氏生子一元

繼賢亡楊氏與姑同守苦節

黃迪吉妻張氏年二十餘夫故遺子居中尙幼氏養育成立守節四十餘年

王采華妻任氏年二十四夫故無子孝養翁姑克盡婦道苦節五十五年

康自恭妻趙氏年二十夫故無子哀痛幾絕父母勸乃已事姑盡孝取姪爲嗣苦節

二十八年

郭世祿妻員氏年二十五夫故守節五十五年

屈采龍妻劉氏年二十夫故孝養翁姑謹守婦道守節四十餘年

陳含喜妻郭氏年二十六夫故子女俱無夫兄有二子二女氏撫育成立家道漸興  
守節四十三年

何占光妻蔡氏年二十五夫故勤苦自度守節四十餘年

湯光耀妻張氏年二十四夫故守節五十八年

湯繡儒妻孫氏年二十二夫故撫前子如己出守節三十五年

屈瓊林妻趙氏年二十一夫故事翁姑苦節三十餘年

湯崇兒妻李氏年二十八夫故守節五十年

李含英妻劉氏年二十八夫故無子撫姪爲嗣守節四十五年

周建平妻張氏年六十餘日夫故苦節自矢孝養翁姑取姪爲嗣卒年七十餘

員五道妻劉氏年二十夫故守節三十年

劉士選母嚴氏年十七歲于歸半載夫故撫嗣子成立守節四十二年

劉士選妻喬氏年三十夫故守節三十八年

黃茂德妻趙氏于歸三月夫故矢志守節夫弟猶在襁褓助姑撫育後夫弟生子取爲己嗣一生謹慎寡言孝慈各盡卒年五十餘

馮立本妻楊氏年二十六夫故奉姑孝敬殊不憚勞守節五十餘年

嚴彥身妻李氏年二十八夫故守節

李登瀛妻 氏年二十七夫故子清和方數日孝姑撫孤守節二十一年

薛羅芝妻孫氏年二十七夫故氏孝事舅姑撫孤守節四十六年

王 江妻呂氏年二十八夫故子裕亨僅八歲撫子成立守節三十五年裕亨妻白氏年二十九夫故子二白氏事孀姑撫幼子姑婦織紡度日撫養成立白氏年六十

王化鵬妻韓氏年二十九夫故守節孝敬翁姑撫孤入武庠年七十五

劉文基妻夏氏年二十八夫故守節撫孤年七十

姚鳴鶴妻屈氏年二十五夫故守節無子撫姪爲嗣事親盡禮年六十五

郝登魁妻楊氏年二十七夫故守節年六十七

尙玉純妻張氏年三十夫故守節子俱幼撫之成立年七十

郭永康妻杜氏年二十八夫故織紡度日年六十八

郝連舉妻張氏年二十六夫故撫孤守節年六十六

劉三合妻李氏例貢含貴長女年二十九夫故孝事翁姑撫族姪爲嗣年五十四

王懷讓妻蔣氏年二十九夫故守節撫孤成立年六十六

賀明德妻王氏年二十九夫故翁姑俱衰二子尙幼氏孝事翁姑教子耕讀年六十

三

王天位妻張氏年二十六夫故撫姪成立年六十一

閻若登妻楊氏年二十七夫故矢志守節事親育子辛苦備嘗年六十一

監生員不謨妻薛氏年二十九夫故守節撫孤成立年六十三

周春元妻薛氏年二十一夫故守節年五十五

儒童員不烈妻張氏年三十夫故無子矢志守節年六十三

杜北方妻董氏年二十一夫故矢志守節善事舅姑年五十四

舉人員業棠妾周氏年二十八夫故子世祐與夫胞弟懋棠承嗣矢志守節事姑盡孝年六十一卒

王俊彥妻張氏庠生賓女廩生馨妹年二十八夫故子女俱無織紡度日年五十四

馬三合妻李氏同治元年夫禦賊被害年二十八撫子守節年五十八

馬虎仁妻田氏年二十六髮逆至夫禦賊死氏守節撫孤年五十六

章日彩妻劉氏同治元年夫殉難氏年二十九矢志守節年五十有九

武生張鵬舉妻方氏同治元年夫殉難矢志守節年六十一

馬 釗妻石氏年二十四夫故守節年五十四

廩生周聚元妻王氏年二十四夫故守節無子女撫姪爲嗣年五十四

楊青選妻張氏同治元年夫故守節年五十九

元玉銀妻楊氏年二十五夫故守節年五十六

王天聰妻王氏年二十一夫故守節撫孤成立年五十二

郭銀魁妻陳氏年三十夫故守節子六歲事姑撫子年五十九

孫步月妻湯氏年十九夫故守節年五十

王青海妻朱氏年二十七夫故子方八齡撫育成立光緒十八年子歿撫養弱孫年五十四

湯金倉妻馬氏年二十八夫故守節善事繼母撫遺腹子賦仁讀書入泮年五十六  
王瓊琚妻王氏年二十三夫故子甫二歲守節撫孤年五十

劉佩玉妻楊氏年二十七夫故善事翁姑無子撫姪爲嗣年五十二



賀廷錫妻王氏年二十七夫故子甫五歲守節撫子績紡度日年五十

郭萃靈妻杜氏年二十八夫故守節無子年五十

姚宗寶妻王氏年二十一夫故守節孝事翁姑慈撫幼子年五十一

監生李俊榮妻員氏年二十九夫故守節年五十一

李天杜妻李氏年二十四夫故守節年五十五

李起賢妻陳氏年三十夫故守節年六十六

李秉火妻秦氏年三十夫故守節年四十八

申奉田妻李氏夫故守節家貧績紡度日年八十六

郭五全妻楊氏年二十八夫故守節年六十

屈中和妻王氏年三十夫故守節年七十五

姚世英妻張氏年三十夫故守節艱苦備嘗年七十一

員盡善妻王氏年二十七夫故守節子女俱無艱苦不辭年五十三

章魁盛妻薛氏年二十五夫故撫遺腹子成立年六十五

附生張應驗妻李氏年二十七夫故守節年五十六

薛秋魁妻賀氏年二十五夫故守節年五十八

薛同升妻張氏年二十八夫故孝事翁姑撫姪爲嗣年五十九

翟登榜妻尙氏年二十二夫故守節撫子成立年八十一

翟治化妻薛氏年二十九守節無子撫姪爲嗣年六十三

楊鳳詔妻路氏年十九夫故守節無子撫姪爲嗣年六十七

王天位妻張氏年二十六夫故守節年六十一

趙文善妻馬氏年二十五夫故守節無子女撫姪爲嗣年六十八

楊敦厚妻李氏年二十九夫故守節子二年六十

潘學忠妻郭氏年二十八夫故無子撫姪爲嗣年六十三

李永貞妻黑氏年二十五夫故翁姑年老家道寒微氏織紡度日孝敬翁姑年六十

九

王思遠妻閻氏年二十夫故撫子福元成人年七十四

尹學德妾何氏年二十七夫故子大純以孝聞年七十

李萬祥妻武氏年三十夫故守節子承年六十

尹宗伊妻張氏年二十八夫故守節無子撫姪爲嗣勤儉度日年六十五

張成德妻白氏年二十夫故守節遺子雲景入武庠氏年五十餘

姚希文妻孫氏年二十五夫故守節遺子歲餘撫養教訓年六十二

張繼榮妻陳氏年二十七夫故守節年八十二

張隨承妻楊氏一產二男年二十四夫故守節撫二子以耕讀卒皆成立

李大全妻辛氏年二十六夫故無子女撫姪爲嗣年五十七

王順心妻王氏年二十九夫故守節無子孝事翁姑撫弟成立年五十九

李振峯妻王氏年二十八夫故守節年五十餘

呼發祥妻黑氏年二十六夫故守節撫孤成立年八十二

呼自修妻李氏年二十五夫故守節撫二子成立年七十六

郭正立妻靳氏年二十三夫故守節撫孤成立年六十七

劉聖鐸妻王氏工部主事瀚之女年十九夫故守節無子孝事翁姑年五十四

郝福順母李氏年二十七夫故守節年五十八

王月昇母王氏年三十夫故守節年六十

喬拾命妻蔣氏年十九夫故守節年五十八

喬藍田妻續氏年十八夫故守節年六十四

湯續祖妻郭氏從九品致祥之妹年二十九夫故守節年六十一

庠生姚光炳妻張氏年二十七夫故守節子克慎入庠

監生姚叢桂妻張氏年二十九夫故守節子稱奇尙幼辛苦備嘗年六十餘

李含章妻張氏年二十九夫故守節依姪度日不苟笑言年七十一

王金采妻劉氏年二十二夫故一子尙幼撫養成立年五十五

王金魁妻高氏年二十三夫故守節年五十八

王懷勝妻董氏年二十八夫故守節撫姪成立年五十二

從九品李樹亭母王氏年二十八夫故守節撫子成立年六十一

李泌若妻鄭氏年二十五夫故守節三子俱幼治家勤儉年六十四

賀豐慶妻閻氏年二十九夫故守節撫姪爲嗣撫養成立年五十八

湯蘊玉妻杜氏年二十八夫故守節年七十五

員泰來妻董氏生員鳳儀女年二十九夫故守節躬兼耕織撫養孤子年六十四

張可明妻王氏年二十九夫故守節年五十九

員錫德妻陳氏年二十二夫故守節年五十四

屈重義妻王氏年二十九夫故守節無子姑患癱疾不能自食朝夕奉養不辭勞苦  
年五十一

薛安成妻王氏年二十六夫故守節年五十七

薛萬善妻宜氏年二十一夫故守節年五十五

監生湯中行妾李氏年二十六夫故撫幼子理家務年五十一

李秉妻安氏年二十六夫故守節年五十五

羅逢世妾段氏年二十三夫故守節無子勤苦度日撫姪爲嗣年五十四

附生郭紹基妻湯氏年二十八夫故無子善事姑母十六十六

員萬保妻劉氏年二十四夫故守節年五十七

王倍傑妻張氏年二十七夫故守節子方歲零撫之成立年七十七

王倍順妻劉氏年三十夫故守節年八十七

秦英魁妻年氏年二十九夫故守節年七十五

王萬年妻靳氏年二十八夫故守節子未週撫之成立身兼耕織年五十三

秦有明妻王氏年二十五夫故守節孝事翁姑年六十二

申之孝妻呂氏年二十夫故守節撫孤事翁盡孝年五十一

趙百代妻陶氏年二十八夫故守節孝事翁姑撫子成立年五十二

張修身妻李氏年二十四夫故守節子方一歲撫之成立年七十

杜文運妻羅氏年二十八夫故守節撫子內外經營辛苦備嘗年七十五

谷應昌妻羅氏年二十一夫故守節年五十七

李天祥妻馬氏年二十三夫故守節盡心事姑撫二子成人

李連若妻吳氏年三十夫故守節子四織紡爲生訓子成人年六十一

武生郭炳南繼室陸氏廩生懷林女年二十五夫故守節撫子成立光緒三年奇荒  
諭子散糧以濟村人年六十八

來 鑄妻強氏年二十六夫故守節子方四歲

李鳳魁妻柴氏年十九夫故守節子女俱無年五十五

王明善妻員氏年十九夫故守節子女俱無

嵇松秀妻嚴氏年二十二夫故守節年七十

李如剛妻李氏年二十一夫故子方四歲孝事翁姑撫子成立

鄧潔妻鮑氏夫故守節撫前子成立子婦相繼卒又撫孤孫成立年七十一

王寶倉妻李氏年二十五夫故守節善事翁姑撫孤成立年五十一

張黃氏年二十三夫故守節無子家貧年六十

王三溫妻汪氏年二十五夫故無子守節年七十二

續至貞妻趙氏年二十七夫故守節撫孤法誠嚴明年六十五

續至誠繼配劉氏年三十夫殉難守節撫前子及弱孫績紡度日辛苦備嘗年六十

王仲山妻任氏年二十七夫故守節撫子成立年七十九

孫全德妻王氏年二十夫故守節孝事舅姑撫胞姪爲嗣現年五十九

閻重霄妻張氏年二十五夫故守節年六十七

陳蔚文妻鮑氏年二十七夫故撫孤守節年七十三



王守規妻師氏年二十六夫故守節撫孤成立現年五十六歲鄰里稱賢

董萬年妻王氏年二十三夫故氏孝姑撫孤守節年五十一

李惜陰妻王氏年二十九夫故撫孤守節年六十二

屈德立妻石氏 祝炳南妻楊氏 楊 昺妻胡氏 楊大熬妻王氏

石齊雲妻方氏 王 威妻徐氏 李建功妻趙氏 周煥章妻張氏

王耀遠妻楊氏 石慶雲妻嵇氏 尙南祥妻郭氏 石激方妻常氏

楊友福妻張氏

以上十三名俱無年歲事實舊志列入節孝目姑仍之

趙氏東呂店王蘭寶之妻前清道光十七年夫歿氏年二十一歲子訪甫三齡孀姑楊氏在堂年高多疾氏親侍湯藥奉養無違下撫孤弱以迄成立年七十八而終與姑楊並以節孝著稱

以下採訪

周氏南麻莊張應鸞之妻咸豐四年夫故氏年二十三歲上有白髮之親下有呱呱

之孩氏躬紡織教子有方厥後姑歿子壯弟姪輩爭欲分爨賴氏百計維持而家道克睦卒於光緒二十六年享壽六十有九

申氏東橫澗郝居廣之妻清咸豐八年夫亡氏年二十八歲無子取夫弟月廣之子重仁爲嗣生僅十日懷抱撫養以迄成立重仁不知其非所生也待其姪女姊妹最爲慈愛月廣亦敬之如母所謂兩盡其道者歟歷四十九年至光緒三十二年而卒張氏南馬村王文昇之妻清同治二年夫亡氏年二十無子因與夫兄文倉合爨姪法海之妻早亡遺子曰封方歲餘撫育若己出後文倉法海相繼歿氏外理耕耘內工縫紉教育無缺爲曰封娶婦又早逝遺幼子恩養同曰封身終無間言卒於宣統三年享壽六旬有九

郭氏馬本立之妻同治二年夫死氏年二十七歲撫孤守節於光緒三年大荒餓死周氏師維翰之妻同治四年夫死年二十七歲立志守節事翁姑敬謹不衰卒於民國二年

楊氏西太渡村張思讓之妻同治六年夫故氏年二十四子佩蘭僅歲餘氏上事尊  
孀婦兼子事下撫藐孤慈能嚴責晝把鋤犂夜勤機杼尤所苦者長孫安吉九齡失  
恃氏抱育成立歲經奇荒艱難維持後孫曾繁衍家聲日振卒於光緒二十六年  
呂氏高柏村王照元之妻清同治八年夫死氏年一十九歲生子僅半歲苦守婦節  
撫子成立

楊氏禮村辛俊秀之妻清同治十年夫故氏年三十歲子媳相繼歿孫甫月餘守節  
孝姑撫孫成立卒於光緒三十一年享壽六十有四

湯氏留果村生員師兆熊之妻歲貢生湯浚明之長女同治十二年夫歿氏年二十  
八歲矢志靡他其舅增生尙慎治家嚴食指繁重氏上承舅訓總理內政井井有條  
撫兩男一女俱成立於光緒十七年四月病終

李氏留果村魏俊耀之妻清光緒元年夫死氏年二十七歲有子文炳僅六歲薄田  
五畝衣食不及又值三年大荒人多不能自存故兄弟多勸其他適氏食貧撫孤四

十餘年於民國六年卒時家道已數倍於昔文炳亦頗能孝養人以爲不負苦節云  
馬氏陽平村羅占熬之妻光緒二年夫故氏年二十八歲子僅月餘伯兄力求析產  
氏哀懇不允乃託其母弟代爲經理遂被折耗後以典產供子讀書持身端謹不懈  
卒於民國十一年享壽七旬有四

王氏宋村王建基之妻南塢東村王公記榮之女光緒三年奇荒舅姑年老氏夫與  
其仲弟皆病歿叔季兩弟尙幼氏二子長之英六歲次之藩三歲食指十餘口無以  
爲生氏無奈偕兩弟與次子出外度口旅居半載艱窘備嘗幸獲瓦全迨後還鄉氏  
內理家務外助耕耘二弟長大二子成立家道亦漸昌皆氏一人左右維持之力也  
卒於民國十年享壽七旬有四

戚氏南營村張英奎之妻光緒三年夫歿氏年二十五歲遺腹生子冰操自勵矢志  
守節姑患脚疾跬步難移呻吟疾榻十餘年氏與姑同寢不避污穢扶掖飲食必躬  
親之年六十五而卒

楊氏唐家營村王三元之妻光緒三年夫歿氏年二十二歲守節自誓事姑撫子後其姑亦孀繼而失明氏事之三十餘年扶持左右姑八十餘以天年終而氏亦享年六十有三於民國六年歿

宣氏張希濱之妻光緒三年夫故氏年二十八歲子英奇僅八齡值奇荒親操井臼矢志不衰終於宣統元至今孫曾繁衍蓋天佑苦節云

暢氏城內杜世林之妻清光緒三年歲奇荒夫死氏年十八子含芳僅三齡矢志撫孤紡織教養後子稍長家運多艱昆弟居賴氏經理家務不至於墮落終於民國十七年十月年六十有六嫡孫藩曾充本縣電話局長實氏之苦節所致也

郭氏屈竹元之妻十九于歸逾年生子名自立值光緒二年奇荒夫婦攜子出外乞討謀食維艱無奈而粥子於人不數日其夫因病死氏年甫三十自悲數奇誓守靡他遂歸家紡織自養幸其子稍長念父母鞠育之恩竟歸宗事母安分力耕今則娶婦抱孫家計日豐蓋處變而適其宜者也

袁氏張家村徐明玉之妻光緒三年夫死氏年二十五孤苦無依惟賴紡績自養雖頻經凍餒而冰操益堅年逾古稀而精神不衰

申氏坡底村嵇鴻陸之妻清光緒六年夫故氏年十八歲于歸未滿百日立志不嫁議立堂姪爲嗣克盡婦道

張氏堡裏村何清欲之繼配南麻莊孝廉石渠之女前清光緒十七年夫歿氏年二十五歲子威僅半歲賴夫兄清心管理家事撫愛猶子前室子重亦頗孝謹氏處娣姒姑媳間相得無間言守節二十一年以宣統三年卒

張氏西姚村生員王萬祿之妻清光緒十七年夫故氏年二十九歲僅留二女而家計蕭條翁姑在堂年周花甲兼有長兄亦傷伯道之無兒氏一切事奉勤謹生養死葬若不異其子女者堅苦亦云至矣

郭氏西姚村趙希雲之妻清光緒十七年八月夫故氏年二十歲生有二子長枝昌僅二齡次小昌僅半歲薄田九畝氏常以針黹紡織之功爲衣食之資賴有舅父照

管而二子得以成立

張氏堡頭村鄧咸陽之妻清光緒二十六年夫故氏年二十六歲撫遺腹子雲階讀書畢業於高小校現年五十四歲

李氏大字營庠生張寬德之妻年二十七歲夫故撫孤孝翁姑問視必親寒暑不懈守節三十三年清光緒二十七年卒

陳氏張瑞齋之妻清光緒二十六年夫故氏年三十一歲長子乾元甫六齡次子乾剛尙屬遺腹氏撫孤兒矢志守節孝事孀姑教子義方乾剛在省立師範學校畢業守節三十二年民國十八年遇匪難而卒

祝氏張效功之妻年二十四夫故無子翁姑年均六十餘因傷子情切臥病在床親侍湯藥不一載其翁姑先後逝世宗族無昭穆相當者可以承祀氏謀諸親族撫養螟蛉艱難度日宗祀賴以不斬氏卒於民國十一年享壽六旬有八親族感其苦節爲立石以表焉

申氏坡底村嵇維運之妻年二十夫故有子德容尙在襁褓姑老待養氏撫子事姑辛苦萬狀終無怨言鄉黨稱賢守節六十四年卒

王氏下莊村謝炳太之妻年十七于歸二十八夫故氏織紡自供矢志靡他撫幼姪學禮爲己子守節六十五年卒

馬氏下莊村謝鳳儀之妻年二十二夫故氏立志守節有前室子瑞氏撫育之成人時以格言教誨子媳人皆賢之守節五十年卒

王氏下莊村謝海元之妻三十歲夫故氏辛苦持家端莊自勵守節二十四年卒  
翟氏下莊村郭萬有之妻年二十二夫故遺子義年方六歲家貧蔬食親任織紡教子讀書後入武庠家亦小康

李氏橫澗村尙天錫之妻年二十六夫故時值奇荒子二俱幼姑老待哺氏每得食先姑後子一家賴以生存守節五十年卒

王氏張村王三成之妻年十六于歸越三載夫歿氏堅守婦道取姪丙辛爲己子撫



育成立卒年七十有七

李氏北陽平羅奉三之妻年二十餘夫故有子尙未成立氏慇懃撫育教讀婚配至於成立卒年八十有餘

申氏縣南寨李正之妻年二十八夫歿子逢貞年僅三歲薄田三畝氏勤儉自勵艱苦備嘗教養逢貞以至成立家亦漸豐守節三十八年卒

王氏湖東村田樹芝之妻年二十夫故子仲甫三歲家貧氏日勤女工撫孤成立睦鄰和妯娌事姑惟謹守節四十七年卒

鄭氏麻峪口嚴丁午之妻年十八夫故立志守節撫孤事翁姑鄉黨稱賢卒於宣統元年

王氏裴張村王順心之妻姑先歿夫故無子又無兄弟可依惟留老翁在堂氏勸翁繼娶求嗣翁從其言娶尙氏出一子名正心年未成童翁姑相繼逝世堯堯獨立乃氏境愈苦而操愈堅內而家政外而農事氏皆一身經理稍有餘暇非勤女紅卽責

弟讀書氏逝世之日弟正心感撫養之恩悲痛異常而親族皆云此家非氏獨具卓識宗祀必絕又非氏堅苦始終維持亦不能成立當以葬母之禮報之亦不爲過云章氏廟上村張慶霄之妻清拔貢克嶷之母也年二十三夫故克嶷方六歲一切家事無人照料氏力持勤儉內外兼顧一家賴以生活氏雖婦人頗知義方之訓供子讀書約束督責不遺餘力民國十五年卒享壽七十有六

郭氏堡裏村孫時風之妻年三十歲夫故勤儉治家撫前子炳文如已出供子祖培讀書入邑庠家亦漸豐孫曾繁衍於民國十年卒年七十三歲

薛氏王家山村翟治化之繼室年二十四夫故夫易簣時囑令撫姪以存宗祀氏應誓守既姪死復撫幼孫經理家務千辛百苦不忘夫囑守節五十四年而卒

申氏中王村儒童馬斌之妻年十九夫故堅矢柏舟之志勤務繙紡孝事翁姑氏無出撫二弟成立後撫三弟之子爲嗣守節五十五年而卒

郭氏姚青張建鰲之妻年十八夫故矢志守節孝姑訓子卒年六十四歲

郭氏姚青韓高德之妻年三十夫故勤儉孝慈享壽八十三歲

朱氏西姚趙心泰之妻年二十七夫故子方四歲姑亦寡清光緒三年奇荒氏嘗典衣節食以養其姑又以姑苦節罔報擬終身拾綿麥爲姑立碑以表其操未果而歿年七十七歲

姚氏東里村鄭啟謙之妻年二十二夫故勵志守節撫子全福家甚貧窮以織紡度日事姑盡孝姑歿典衣服首飾爲備棺板卒年七旬有五

賈氏東里村鄭全福之妻幼與姑姚氏同歷艱辛姑歿之後與夫種菜度日三十六歲夫故撫子樹功樹昌氏性好善不茹葷者三十餘年晚年家道小康氏施衣施食蠡斯衍慶遂見曾孫享壽七旬而終

張氏東里村鄭儀盛之妻年二十七夫故撫二子長春茂誠實命其耕田次春暢聰敏令其讀書既娶婦因妯娌不睦遂爲分爨隨長子食奉養多缺氏晝夜紡織以補不足不幸庚子年旱蚊飢饉長子與冢婦相繼而逝又撫幼孫重珍守節五十餘年

略無怨天尤人之意享壽八旬而終

梁氏東堡障村張福元之妻年二十七夫故翁姑白髮在堂子文彥生僅四月氏勵志守節謹守閨範躬親執爨紡織無間晨昏內理家務外助耕耘文彥年逾三旬尙未有子氏爲隱憂買妾李生孫繼忍氏有功於門祚不獨以苦節著文彥樹碑墓道以彰其賢誠屬無愧云爾

樊氏雷家河雷某之妻年二十一夫故矢志守節事姑陳氏頗孝晝夜不離食則同棹寢則同床衣則同箱始終無間言遠近聞氏之賢均異口而交頌焉

劉氏溝南村張黑娃之妻年三十夫故長子春華七齡夫故後三月遺腹子春福方生氏堅冰自矢紡績撫養一身措持內外辛苦萬端卒於民國十七年享壽六十七歲

翟氏下莊郭萬有之妻年二十二夫故遺子義年方六歲家貧蔬食氏親任織紡教子讀書後入武庠家亦小康

劉氏南陽平安德明之母年二十九喪夫事姑至孝訓子成家

陳氏西坡村劉夏至之妻年二十三歲夫亡堅守婦道誓死不嫁守節三十餘年辛苦萬狀終無怨言鄉鄰無不稱賢

員氏堡頭村鄧上卿之妻清光緒二十六年夫故氏年二十二歲無子守節事翁姑謹遵婦道現年五十一歲

張氏西邱上屈自超之妻于歸五年夫嬰疾而死氏捶胸痛哭幾不欲生後經人勸以兼盡子道遂忍痛守節貧而無怨惟日以事姑嫜撫小女爲事遇村中演劇絕不往觀現年五十歲

薛氏南麻莊寨湯吉祥之妻南麻莊薛寶書之長女生員思睿之兒媳也寶書素爲望族治家有法氏自少卽嫻女訓于歸湯門清光緒二十四年吉祥以小嫌服毒死氏年十七節凜冰操事翁尤爲盡禮翁年近五旬與繼姑劉氏勸翁納妾生子降康方四歲而生母亡其孀母亦相繼逝世撫育弱弟若同己出躬內外之任不辭勞瘁

翁老年身得難疾常在床褥不能運動飲食便溺均必需人氏日夜侍側手捧碗杯不嫌麻煩刷洗滌不避污穢翁常彌留之際囑其胞姪鵬翥鵬超暨姪女婿孫祐康等曰我死汝等須爲汝嫂懸一節孝牌我親擇文曰節兼孝慈非真能盡孝何以感動其舅若是哉弟甫十歲已爲娶婦其姊亦事氏如姑遠近聞氏之賢無不異口而交頌焉降康去歲畢業於文鎮第二完全小學校氏現年五十歲

楊氏台村郭豐亨之妻生員鎮西之女年二十五歲夫故撫幼子爽快成立高小校畢業現年五十三歲

郝氏臺村薛長壽之妻年二十五歲夫故艱苦備嘗供子赫讀書高小校畢業現年六十五歲

李氏堡頭前道村馬清濱之妻李家村有章之女師白之妹也年十七夫故上事舅姑下撫藐孤作哲適值光緒庚子年大荒兄弟各自謀生舅姑欲奪其志氏誓不改嫁乃抱子歸母家日夜紡織度荒及子稍長卽令入塾讀書氏每鷄鳴而起夜分而

息每作針時必令子在傍讀書習算不稍寬假新正亦不得任意戲玩民國辛酉作  
哲由本邑高小校畢業曾課徒於鄉現充教育款產處主任氏現年五十有二  
蔣氏西北村湯逢祥之妻年二十六夫故吃齋好善事姑教子現年七旬有六  
劉氏西北村湯麟祥之妻年二十夫故紡績度日教子成人現年五十有九  
胡氏西北村湯垂之妻年二十夫故勤儉治家教子成人現年六十  
胡氏西北村湯寅之妻年十九夫故矢志守節現年六旬有二  
杜氏北寨村劉景泰之妻年二十夫故勤儉治家撫其子炎順成人勉強支持家道  
不衰

趙氏栗家崖村員甲乙之妻年二十一夫故家道貧寒善事舅姑撫其子鶴山成立  
現年六十有九

黑氏寺莊村段進財之妻年二十三夫故撫養族孫成立家道以興  
王氏焦村員廷寶之妻年十九夫故撫幼孫振離成立現年六十

王氏焦村員兆熊之妻年二十二夫故紡線織布以度光陰撫幼子炳炎成立現年六十有七

薛氏焦村員理瑞之妻年二十三夫故經營內外辛苦備嘗教子平正讀書由縣立師範學校畢業

張氏焦村員天佑之妻年二十三夫故紡織度日撫二子成立現年七十

員氏寺圪塔村劉穩厚之妻年二十四夫故孝事舅姑撫二子成立現年六十有六  
湯氏下寨村董維德之妻年二十三夫故撫養三子相繼成立

王氏寺莊村陳尙義之妻年二十五夫故慈愛前子至強無異己出

陳氏萬迴頭村郭克明之妻年二十五夫故紡織度日撫養三子相繼成立現年六十

黑氏萬迴頭村郭萬庫之妻年二十九夫故家道貧寒紡織謀生撫幼子佩琳孫曦  
柱項柱成立



張氏台村郭立本之妻年三十夫故撫子壽平成人

王氏姚王村生員李世勛之妻世勛以年少攻學得疾遽歿氏年二十痛不欲生旋念翁姑在堂恐重傷其心遂矢志守節撫養幼女期以承歡膝下以釋親憂秉性溫柔兼能和妯娌睦鄰故遠近稱孝無間言後嗣姪爲子孝之成立現年六十一歲  
王氏姚青村趙明林之妻年甫二十夫故姑老子幼氏仰事俯畜艱苦備歷守節五  
十三年

袁氏萬家嶺萬學齡之妻年二十九夫故子方四歲家甚貧乏氏矢志守節撫養成  
立產業頗增


李氏王準直之母年少夫亡事翁姑甚孝撫子教養成立

王氏張生科之母年十六夫故矢志守節年已八十三矣

楊氏東里村鄭玉堂之妻年二十九夫故矢志守節現七旬有四精神矍鑠猶不恃  
杖而行

李氏西姚趙新房之妻年二十九夫故家貧上事王姑及舅下撫孤子孝慈兼盡現年七十二歲

孫氏生員王萬榮之妻堡里生員祖詒之次女氏年二十五夫故撫孤長四歲次未歲茅屋三間不蔽風雨薄田七畝不足衣食兼之族無可依煢煢獨立氏吃苦耐勞紡績織紉以養其子現年六十二歲與萬祿之妻張氏爲妯娌識者稱爲王氏二節婦云



義烈

明庠生李加實妻朱氏加實旅食於館賊突破寨氏告姑曰賊日至母老不能逃奈何亟令子果馨扶姑潛行襪中尙有幼子幼女俄爲賊執懼母被害給之曰汝勿傷吾母有財物與汝賊信其言少傾度姑去遠棄子女罵賊投井而死

廩生王圖昌妻杜氏逆圖陷城被捕氏知不免大罵以石擊賊死

庠生田有采妻申氏夫婦爲流寇所擄采遇害氏指賊大罵投火自焚死

庠生陳所見妻薛氏有麗質且賢所見卒氏方少誓不再醮鄉人請聘者氏固拒之或勸之曰有子則守常也爾無藐孤將誰須而自苦若是答曰有子則守無子則有一死以還夫吾所以不卽死者爲夫君老母在堂耳吾將終其天年以報吾夫於地下豈忘死哉居無何有乘其姑之貧而強委禽者氏度無可奈何佯許之陰置毒衣衽間服之至中途而死視其衣服襪履皆針線密縫牢不可解其貞烈如此有司上狀詔旌其門

華陰王遜卿曰薛氏之犯險而從容就義不失其節丈夫之所難而女流優爲之亦可謂奇絕矣然觀其有子守無子死終養老母以報夫所論又何平正其性烈行潔似猶不足以概其貞淑也

清劉自任妻楊氏順治九年八月南山賊自棗鄉峪出被擄堅執不從罵不絕聲死生員張醒鐸妻王氏遭流寇被擄罵賊而死

陳泰安妻宜氏明哲次女年未三旬夫故無子女孀居八年力事翁姑其姑憫其苦而欲嫁之氏聞婚期已定晚扶姑就寢懸梁自縊道光十八年十月同母弟永春爲之樹石墓前

續赴盈妻呂氏年二十三同治元年髮匪過境投井全節其翁生輝聞之怒罵賊亦刺傷之

童生張京觀妻楊氏年十九夫故矢志守節同治元年髮匪至投井而死

增生陸懷珠繼室姚氏秉性仁柔持身節儉年二十九夫故子甫一歲守節撫孤二

十餘年同治元年髮匪陷城攜女投河死

郭連舉妻李氏同治元年髮匪至隨夫逃之東原夫爲賊害氏恐汚自刺其頸血流滿地幸喉未斷尙有微息賊去鄰人扶歸傷處尋瘳撫姪爲嗣年六十有三

郭士佳妻薛氏同治元年匪至投井而死

章三綱妻張氏光緒三四年大饑家人餓死惟遺媳李氏氏謂之曰我今衰老何須累汝願投河死汝改嫁可活性命媳聞言泣曰我總一死不忍離姑失節姑投河媳亦隨之

陳氏寺莊村栗維藩之妻景華之母也氏孝事翁姑勤儉持家皆婦人之常事無待贅述其翁爲人仇殺氏頗明大義力勸其夫爲父報仇卒如所願當其夫自首投案赴省覆審時差役逮捕子弟皆逃避氏以隻身撐撐危局破產禦侮百折不撓何異女杵臼哉晚年孫曾繁衍五世同堂家境漸豐身體亦康強無比卒年八十有六

以下採訪

李氏禮村辛玉傑之妻光緒十年夫歿氏年二十九歲撫孤事姑至孝民國十一年巨匪老洋人入境殉難卒年六十有一

聶氏東常寨屈定方之妻年二十夫故守節民國八年土匪破寨投井而死

朱氏潼關縣潼峪口朱益茂之女東太渡郭涵真之妻也年十七歸郭氏夫婦伉儷甚篤涵真力攻黃老好爲方外遊氏代孝其母辛亥秋九月涵真以疾結跏趺坐合掌稱佛而逝時氏年三十一歲矢志守節民國十一年老洋人之亂氏因姑逃避追之途中爲賊執呼天罵賊不絕口賊怒擠之投崖又下石焉遂折跌以死遠近聞者無不愧惜氏卒年四十二歲無出其夫弟鉞章以禮葬之

楊氏瑤頭村高步雲之妻郎寨村之女也民國十七年二月十四日巨匪張天恩入境氏偕夫逃避不幸被匪包圍已搏其夫氏被匪扯去忿不欲生路經險處投崖而死

劉氏老虎溝村彭中起之妻性淑慎民國十七年土匪出大湖峪擾及程村原氏被

匪扯至山南靈邑瓦屋地方義不受辱厲辭罵匪匪慚日怒以槍擊之氏至死神色不變時年二十歲

黃氏幽峪口杜恆昇之孫媳黃至平之女年十七巨匪入境義不受辱罵賊而死

### 貞潔

聞之先師孫佩南先生云易曰女子貞不字故終身不字者爲貞女許嫁而未配者爲貞婦其名義不可以泛施與尋常所謂貞者不同茲故特立貞潔一門以表婦女之奇行焉

明金元亮居官清苦不能歸遂占籍焉有女自以出自邑令恥與齊民爲伉儷不適人剪髮爲尼冬夏處一室足跡不出戶邑人無老稚咸稱爲金姑金遺塚在官莊

華陰王遜卿曰金女者又出貞女孝女之外爲潔女夫男女同一性亡親戚君臣上下不可以其小而信其大何恕乎女乃爲尼則又逃乎倫外將又何說哉咸豐間余師朝坂楊仁甫先生讀書華山青柯坪往謁之見道士帶一女流曰石姑問



其故先生曰夫婦也夫病絕人道爲道士此婦人不忍捨棄而從之日與之作苦耕樵道十卒此姑至光緒間七八十歲始歿余登山每屬其烹茶供飯竊謂金姑之潔可取而尼不可取如石姑之不肯棄夫忍辱爲道甘與作苦以老死則在可取金石易地石必不爲逃倫事金將愁怨速死何益哉近有渭南學博劉與紳士旌一田孝女爲父母無後不適人同治初經亂男粧逃竄卒爲親撫子娶婦余爲陳明天啟時華州劉孝女事今已得旌旣聞其男粧未改急作書白其表弟某令改之不然吾恐其駭俗干名幾於犯義矣論者多惑於異而無是非之辨姑贅數事知取證者將無疑焉

清王起奉女幼許字同里陳尙用之子世榮雍正十年世榮故氏年十四父欲更受贅氏聞知託往弔陳遂留焉矢志守節不復歸奉翁姑盡誠孝縣令祖表曰閨閣殊貞

華陰王遜卿曰貞女之行雖曰賢知之過然激於義而爲勸於節也益深故特旌

異旌以饗人心焉昔朱文端公有貞女純皇帝在藩邸曾爲題詩顧寧人先生出嗣母夫人卽貞女史館諸名公各加器重出乎旌表之外嗚呼榮哉

闔明德妻栗氏許字未婚明德故氏年十七媒來氏家議婚其父又許之氏聞潛歸闔門矢志不二後以媒有成說與訟邑令鄭公以肩輿鼓樂送歸闔門表曰未婚守節拔萃恆婺撫猶子榮甲爲嗣辛苦備嘗守貞四十四年

席錦繡女許字武舉盧太和之孫太和官南京都司咸豐初髮匪陷南京盧全家查無音耗女矢志守貞年三十九髮匪至女恐受辱投崖而死

按此貞潔而兼義烈者惟烈乃能全其貞可以媲美唐竇氏二女矣

樊柏葉西常村樊根之女年十六許於王家河王逢源之姪辛桂已納徵將于歸因土匪剽掠避亂於東常寨其母舅屈永和家匪破寨被捕入山中梃首魏老十百方誘脅不從其養子某調戲女謾罵不止匪怒以槍擊其喉而死時民國八年五月初旬也文士播爲歌謠嗣邑修節孝祀成曾經紳耆合祠稟請縣署祀刻石以勵風

化焉 新採訪

按此亦以貞而兼烈者近年匪亂橫掠其被污受辱者不可勝數而人亦原量謂迫於力之不能抵抗與私奔者不同柏葉以纖弱之身獨能罵賊以死其魂享俎豆名垂竹帛不亦宜乎抑予初知此事實聞之學生趙凌霄而凌霄後乃爲匪以自斃有愧此女子多矣

賢淑

方志載婦女者率以節孝著顧節孝出於逆境豈中庸之行途無可取者乎茲立賢淑一門使知安常處順大有事在凡婦道母道之克盡實足儀型家鄉也女界宜各勉焉

明孟九成妻南氏九成行役羈外屬歲大飢氏負姑乞食行人憫之姑卒備緘以葬云

清周鳳至妻張氏孀姑常氏有指瘡割股肉療治鄉黨稱之

趙國城妻張氏年十六夫故無子撫姪爲嗣姑逝翁以疾病臥牀五載氏朝夕奉事略無倦色守節四十餘年

華陰王遜卿曰世間每有此等賢婦人令人可敬可愛可感可泣賢於不肖之子何啻倍蓰什伯哉余見有數子儼然衣冠者流老父又非有恆疾隆冬盛寒置之不問抑何忍也張氏之賢賢於事臥牀不起之舅尤賢於五載略無倦色此翁子死妻逝而得孝婦綿延保終亦誠不幸中之大幸也

楊錫妻張氏年十七夫故子一歲翁老姑且病氏盡典奩具侍湯藥教子有法苦節三十八年

張爵嗣母王氏年二十四夫故無子以從姪爵爲嗣勤苦自矢貧困不移守節三十餘年

郭毓琨妻楊氏年十七適郭越明年夫故無子氏自誓不改終事舅姑康熙三十一年歲飢無歸依母弟三盤紡績自活守節三十餘年

張守祿妻王氏于歸四年夫出外不歸傳言已死姑六旬有餘患癱瘓子女俱幼家貧以針黹易饌具遇屋壞以身蔽其姑得不死辛苦萬狀守節一十六年

按世之守節者每以有子女而不能忍舍或貪戀其家費而生一動不如一靜之計較則其爲節也亦僅矣觀以上四人均出於愁苦無聊而猶能曲全其節是加人一等矣故選入賢淑之列

薛成洛祖母楊氏道光二十六年出私財散麥數十石以活隣右

任秉經妻閻氏夫愚騃雖飢飽寒煖不能自辨而閻氏上車舅姑下待愚夫節其飲食時其衣服一生無怨言

任蔭南妻張氏性孝慈幼時生母早逝能得繼母歡心及歸繼姑楊氏甚嚴事之盡道先繼姑卒猶遺囑令子弟孝養焉

王燕賢妻楊氏同治元年髮逆捕夫不知所終氏年二十二子皆襁褓家貧勵志自守織紡度日有欲奪其志者氏依同母弟萬貴以居後子成立方歸年五十三

歲貢屈鳴璉妻楊氏舉人喜榮女孝事舅姑布裙荆釵并白親操鴻案相莊有孟光風範卒年六十五

張豐盛妻王氏夫四十六無子力勸娶妾張氏幸生五子四女氏亦幸生四子一女親鄰俱稱其賢

續生新妻馬氏善事舅姑次妹嫁時無粧奩氏出所有以與撫幼弟如己出年五十

楊寶亨妻張氏年二十一歲孀居撫子守節道光二十七年散糧救荒光緒三四年又散糧鄉里嘉其德義

閻生資妻白氏光緒三年夫故子死孫方五歲氏理家務散麥十石以濟貧人

王氏東太渡李寶珍之妻年三十二夫故家甚拮据又丁道光二十七年奇荒至數日不能粒食氏以十指百計經營措持厄難漸臻充裕卒於光緒初元子永盛服斬衰六年鄉里稱爲眞孝子云

以下採訪

周氏常閩村楊秉廉之妻年十七而嫁方五月時值同治初元捻匪西來割營其家秉廉被捕弟秉謙方二歲家人悉奔竄逃生氏獨冒白刃入姑室竊懷秉謙以走路遇舅止之曰汝不畏嬰兒爲累乎氏曰吾家之絕續惟恃此厥後夫竟不還氏上事舅姑下撫弱弟勤家業歷國變凶荒寇亂而操守始終不渝其有功於楊門不獨以節著云

鮑氏西峪口薛戊寅之妻同治十一年夫故氏年三十歲二子皆幼家貧辛苦供子讀書家道亦漸昌

續氏城南街郝炳南之妻也青年孀居生子女各一子同治元年爲捻匪擄去女適北巷賈榮卿常捻匪陷城時賈家十餘口俱溺於河中僅遺榮卿二子長國棟六齡次際穠四齡賴氏撫養成立至光緒初歲大稔氏出其積畜使兩外孫赴商離販故衣藉以糊口度荒後又使入塾習讀其後孫曾繁衍家勢頗盛嘗令際穠爲郝門承祧因族人興訟中止氏年七十六歲而卒兩外孫爲營葬埋極其豐厚鄉評謂各盡

其道云

李氏東太渡寶珍之女虎城村歲貢生韓靜菴先生之妻也靜菴家貧而好學問業薛仁齋先生家政一遵朱文公法氏奉命惟謹無一違者兵火凶荒遞遭艱阨氏撻拾節縮俛仰無缺稍有盈餘卽量濟瀛困姊張孀孤依居以老有從子用亨者未卹而喪母氏愛養若己出爲三娶無子竟病歿氏感傷成疾卒於清宣統三年四月二十五日享壽七旬有五

鮑氏西姚村趙福秀之繼配年逾八旬孫崇福肄業河洛師範學校屢以紡織得錢助其讀書不受必教之曰孫在外讀書需錢甚多我在家蔬食飲水自可度日汝不可辭卒年八十三歲

賈氏留果村吳丕文之母年三十一歲其夫逝世氏勤儉持家端莊自勵撫子丕文成立家亦漸昌卒年七旬有八

郭氏王家塢馮德林之繼母年三旬而夫逝與弟婦趙氏同孀居守節值光緒丁戊



奇荒家屢被搶借子移居西坡村又遷東寨以避亂己卯歲漸平復乃回本村南巷既而定居北巷經營拮据艱苦備嘗家道少豐又以分潤隣戚蓋不獨有其志而又有其才于民國五年十一月卒享壽八旬有一

羅氏五坡寨李清和之妻素行端莊沈靜寡言孝翁姑睦隣右時年八旬有二

夏氏縣城王克信之妻庠生家相之母初至家極貧氏織紡以助用教子讀書藉以成名末年家頗殷實蘭桂叢生有孫三曾孫六玄孫三人咸謂爲積善之報年八十有六卒

郭氏縣城歲貢陸元綸之妻嫻習婦道持家勤謹卒年七十九歲與夫君先後僅逾月而同享福壽真可稱偕老焉

郭氏北菴上進士李步瀛之繼配端莊謹言略涉詩書中年夫歿於成都攜少子桐扶柩旋里經營葬事晚歲頗拮据布衣蔬食躬勤織紉處之恬然年八十六卒

王氏孔繁英之母現年八十七歲自其夫歿家益敗落繁英從戎十餘載不歸姑婦

相依爲命撫孫度日家徒四壁釜甌生塵姑婦常挑野菜和根煑食之其艱難不可言喻

張氏東太渡村成清和之妻也年十八歸成姑孫氏早寡家甚貧窶督責甚嚴厲人所難堪氏曲盡婦道奉事惟謹居十數年姑漸寬氏亦寡由是姑婦寢同衾食同器如是者數十年氏年漸老尤習上乘禪一以慈悲爲懷見善必爲德洽鄉里年八十隣里以節孝可風四字扁其門後三年一日忽無疾端坐而逝

滕氏蘇家村左芸亭先生之繼室幼讀書通文藝夫任鳳縣令病故扶柩旋里卽以所學教家人民國九年縣治設立女子初級學校聘爲教員其前室子葆宸爲司事勤慎異常來學者亦甚衆閩邑女校由是風氣漸開氏於民國十五年病故壽七十六歲至今家人子女輩多識義方蓋遺澤猶存也

賈氏潼關縣新莊村賈志禮之長女年及笄歸留果村盧樹德姑劉氏已歿留兩弟甚幼氏事舅翁盡禮撫兩弟如己出旣爲之娶婦妯娌亦和睦無間言清光緒庚子

歲大飢室如懸磬家人謀生無術爲之析產異爨僅得薄田五畝廈房間半糠粃不繼剝榆皮以充腹其困苦艱難有非尋常所能堪者晚歲家境稍裕當含飴弄孫以享遐齡乃竟卒於民國十九年七月初六日享壽僅六旬有六

張氏程村南景衡之妻性慈善清光緒三年奇荒出售首飾衣服市甘旨奉翁姑自食菜蔬勤儉助理家務供子讀書荒後南氏四十八戶死亡殆盡氏於民國十二年命子光斗等立紀念碑繼續絕祀現年八十精神康健耳目聰明不衰

楊氏張雲錦之妻性行淑慎當其夫經商於盧氏之關坡鎮也氏以一身兼內外教育子女頗盡婦道其後夫亡子幼氏年三十九歲益加勤苦其紡績織紉甚至終夜不寐現年八十三歲

張氏蘇家村申景泰之妻勤苦耐勞心地明白助理家務十指不肯稍懈每戒諸子媳曰賦命貧賤惟喫苦可支持生計諸子讀書之費多由養蠶供給初家極貧後漸充裕遂樂善好施不少各尙民國五十六兩年冬命子樹墾買小麥一千七百餘

斤按村內貧戶酌量接濟十七年冬縣設平糶局又出洋八十元作本村平糶基金仍命子協村首糶粉麵高粱黃豆在本村平糶者三次次年春歲稍稔命焚賑簿不再討論現年八十一歲康健不恃杖行非爲善行之報歟

邑東常閭村楊時化之母縣城內李芬陰之女也具有賢德能守婦道氏未及笄而先失恃備受繼母之虐待無怨言出諸口于歸楊門舅姑俱老酒食衣服均賴氏籌以供給尤可羨者遇貧寒則思給衣食娣姒爭則百方解釋其後有子有孫嚴厲以使之讀書孟母斷機之訓殆如是矣詎意因匪扯其孫而憂成疾以殞年僅五旬有八惜哉

盧氏澗溝村武生趙飛龍之元配夫早逝氏以媳代子事翁姑頗孝待子暨諸姪慈而能教兼善理家人咸謂氏真巾幗之丈夫也

王氏南洞耳村亢柏榮之元配潼關孝廉少峯之胞姊也一生持家勤儉待人忠厚相夫訓子井井有條家亦漸昌產業日增孫曾繁衍四世同堂迄今年逾八旬而精

神不衰若氏者誠可謂積善獲福矣

郭氏東太渡村成浚福之妻清光緒三年于歸卽佐夫操持家務不辭勞瘁又善居家家產業日增在家善事翁姑克盡婦道遇鄰里有冠婚喪葬之事必出而經理不幸清光緒二十五年夫故撫子成立獲享大年巾幗中完人也

吳氏縣城內常家巷王鴻恩之繼配年十六于歸時家計寒窘姑老在堂夫常策蹇外謀生理氏早夜伺候經紀煩冗承姑意無違共和初年夫膺本縣公款局長兼辦兵差事務繼而擴充商業貿易棉花鹽鐵往來鄭滬青島諸大商埠不克家居氏維持內務懸念遠役而心每凜凜焉加以連年荒亂兵匪交驚家人率避居河北而氏不肯遠離獨留以關照內外其勞瘁有不堪言者秉性和順處娣姒無間言晚既充裕尤能好施以惠恤族鄰夙有喘疾屢治未痊竟以民國二十一年二月初十日病終年僅五旬有二子四長琮從戎次璉辦本縣教育次璵理農次璠營商均克承其家鄉黨甚榮羨焉

令壽

洪範五福以壽爲首詩頌魯侯令妻壽母蓋年齡得之於天亦盛世人瑞也必有其德始可以稱之故列此門以爲榮幸云

清申佩英妻閻氏苦守全節屢蒙旌獎壽八十有三

周琬妻張氏年二十六夫死孝養舅姑教子鳳翔知書鳳翔復夭撫孫應揚得遊庠壽八十七盡瘁守節六十一年

王一善妻李氏年二十五夫故事姑盡道教子有方壽八十五及見四世同居守節六十年縣令趙旌曰共節崔孝縣令祖旌曰福壽百世

李生春妻秦氏年二十三夫故勤苦持家子孫衆多年八十八猶力勤不怡

庠生李東太妻呂氏年三十夫故守節教子有方持家勸儉二子一太學生一廩膳生孫五人俱成名及見曾孫三人壽八十有六

王長太母姚氏生七子皆逝獨撫遺孫年九十三猶精神強健自食其力以度日月

杜氏前渡村王振隆之妻清道光二十三年氏年二十九歲家甚拮据子女俱幼又丁奇荒生理倍難其子秉哲素有腿疾一切家務賴氏經理至光緒二十六年秉哲又死氏已八十五歲乃撫八歲弱孫越六歲終享年九十一歲

江氏學頭村馬繼昇之妻清光緒四年夫死無子氏年二十八歲撫甥爲嗣紡績不倦卒年八十五歲

以下採訪

田氏興南村張庚申之妻樂善好施無子撫姪若己出克盡母道卒年八十五歲

徐氏香什村李天一之妻性溫和孝事翁姑視姪輩若子卒年八十八歲

金氏營田村姜景嶽之妻年九十二歲卒

張氏營田村姜文煥之妻年九十五歲卒

張氏崗峪口村孫計忍之妻卒年八十有九

羅氏橫澗尙慶年之母卒年八十五歲

縣城王氏王寶元之妻卒年八十九歲

縣南關薛氏王生榮之妻卒年八十六歲

丁氏縣南寨馮同昇之妻卒年九十一歲

管氏縣北寨李冠羣之妻卒年八十七歲

盧氏南陽平張珍子之母卒年九十歲

王氏南陽平安金海之祖母卒年八十有七

劉氏南陽平張臨江之祖母卒年九十歲

陳氏湖東王朝有之妻頗端莊時年八十有二猶勤織紡

西姚例貢生趙策之妻賈氏享壽九十二歲

郭氏東里村鄭東壁之妻享壽八十五歲

強氏雷家河雷起科之元配性質慈惠理家勤儉享壽八十九歲而卒

王氏雷家河雷作福之母也居家勤儉教子有法享壽八十有七而卒

楊氏留果村師味德之妻保堂之母也持齋茹素享壽八十有六而卒



姚氏王法順之祖母享壽九十三歲而卒

劉氏張中和之曾祖母一生理家備歷艱辛吉人天相壽臻期頤子孫繁衍五世同堂卒年九十五歲子女鬢髮俱白矣

劉氏翟之恆之母享壽九十有七而卒

白氏常嚴恆之祖母賢孝有德年少早寡辛苦備嘗現年八十五歲猶康健不衰

康氏祝益三之妻大字榮康梅溪之姊也清光緒二十六年夫亡家貧寒特甚氏矢志守節撫孤子二長不繡次不著少承母訓勤於農業家道蒸蒸日上氏現年八十有五

李氏洞耳村張彥魁之妻時年八十六歲

任氏縣城和平巷王守魁之妻時年一百零一猶親織紡刺繡

按列女傳本諸舊志者十之七新採訪者十之三嘗讀史漢諸書所載一代列女其屬寥寥卽康對山武功志韓五泉朝邑志節烈亦不過數人豈非真可傳信者

爲足示法後世而餘則不必具焉舊志列女殊疑濫收雜亂無章而所敘事實亦千篇一律索然無味特以往籍既載不敢遽刪依三原志例分列門類卽節孝一門又分奉旨旌官長旌未旌三項各以年代爲序去其重複正其紛亂煞費苦心而貞潔一門尤爲諸志所未有若新採訪者每欲仿兪樾園所謂須將其家庭瑣事曲曲寫出揣摩其謦欬刻畫其聲容使不可移易於他人故詞涉繁冗篇幅稍長惟閱者諒之抑鄙人有難心者繼室延陵行居兌索事我十年頗協瑟琴之好歸寧浹日竟隕姊妹之花時常春暮壽僅卅三蒙莊鼓盆誠屬達觀潘岳悼亡情何能遣輟筆茲編更深自悲已